



ИНВЕТОР ТАРТУ ЖҰМЫСТАРЫН ЖАНДАНДЫРУ КЕРЕК

Президент Қасым-Жомарт Тоқаев Өнеркәсіп және құрылыс министрі Ерсайын Нағаспаевты қабылдады.

Мемлекет басшысына министрліктің бытырғы атқарған қызметінің қорытындысы мен алдағы кезге арналған жоспары баяндалды.

Ерсайын Нағаспаевтың айтуынша, бытыр өнеркәсіп саласында негізгі капиталға салынған инвестициялар мен өндіріс өнімдері экспорттың жоғары өсім көрсетті. Биыл осы үрдісті сақтап, өндіріс көлемін арттыру жоспарланып отыр.

Президентке геология және цифрландыру бағыттарындағы жұмыстар жөнінде мәлімет берілді. Атап айтқанда, Жер қойнауын пайдаланудың бірыңғай платформасы іске қосылды. Қала құрылысы жобалары цифрлы жүйеге көшірілді. Ауылдарда бірыңғай коммуналдық төлем жобасын енгізу жос-

парланып отыр. Жасанды интеллект көмегімен геологиялық білім қорын жасақтау қолға алынды.

Кездесу соңында Президент министрге орташа және терең өңделген өнім көлемін ұлғайту, биыл отандық тауар өндірушілердің бірыңғай реестрін құру, инвестор тарту жұмыстарын жандандыру жөнінде бірқатар тапсырма берді. Мемлекет басшысы жоспарланған тұрғын үйлерді пайдалануға беру, халықты ауызсумен барынша қамтамасыз ету, құрылыс және тұрғын үй-коммуналдық шаруашылығы салаларындағы үдерістерді цифрландыру жұмыстарын белсенді жүргізу маңызды екенін атап өтті. Бұдан бөлек, ведомство басшысына өңдеу өнеркәсібі нысандарын уақтылы іске қосу тапсырылды. Сондай-ақ жер қойнауын пайдалану саласындағы реформаларды мерзімінде әрі сапалы аяқтау міндеті жүктелді.

Қасым-Жомарт Тоқаев отандық тауар өндірушілерді қолдау шараларын қатаң бақылауға алу қажеттігін айрықша атап өтті.



ОТЫН-ЭНЕРГЕТИКА СЕКТОРЫН ДАМУ ТУРАСЫНДА МАҢЫЗДЫ

Мемлекет басшысы Энергетика министрі Ерлан Ақкенженовті қабылдады.

Қасым-Жомарт Тоқаев еліміздегі отын-энергетика кешенінің жай-күйі, негізгі жобаларды іске асыру барысы мен саланы одан әрі дамыту жоспары туралы есеп берілді.

Президентке отандық мұнай өңдеу зауыттарының қалыптасуы жұмыс істеп тұрғаны жөнінде баяндалды. Биыл мұнай өңдеу көлемін 17,6 миллион тоннаға жеткізу жоспарланып отыр. Сондай-ақ министр Мұнай өңдеу саласын дамытудың 2040 жылға дейінгі тұжырымдамасы әзірленіп жатқанын мәлімдеді.

Ерлан Ақкенженов газ өндіру, Қашаған, Қарашыған кен орындарында және Жанаөзен қаласында жана газ өңдеу зауыттарын салу жоспарын таныстырды. «Бейнеу – Бозой – Шымкент» ма-

гистральді газ құбырының екінші желісі және «Талдықорған – Үшарал» газ құбырының құрылысы жалғасып жатыр. Қасым-Жомарт Тоқаевқа қуаты 26 гигаватттан асатын жана генерациялау кешендерін іске қосу көзделіп отырғаны айтылды. Бұл 2035 жылға қарай ішкі сұранысты өтеу мақсатында қолға алынды.

Кездесу соңында Президент отын-энергетика секторын одан әрі дамыту бойынша бірқатар тапсырма берді. Мемлекет басшысы мұнай-газ, мұнай-газ химиясы және электр энергетикасы салаларында жоспарланған инфрақұрылымдық жобаларды уақтылы әрі сапалы іске асырудың маңызын атап өтті. Қасым-Жомарт Тоқаев елдің энергетикалық қауіпсіздігін сақтауға, тұрғындар мен өндірістік нысандарды қуат көзімен тұрақты қамтамасыз етуге баса назар аудару қажет деп санайды. Президент инвестициялық климатты жақсарту үшін кешенді шаралар қабылдау, геологиялық барлауға стратегиялық инвесторларды тарту міндеттерін жүктелді.

ҚҰРЫЛТАЙ БАСТАМАЛАРЫ ЖОСПАРЛЫ ТҮРДЕ ЖҮЗЕГЕ АСАДЫ



Ұлттық құрылтайда көтерілген бастамалар нақты жоспар негізінде жүзеге асырылатын болды. Президент Қасым-Жомарт Тоқаев тиісті жоспарға қол қойды. Бұл туралы Мемлекеттік кеңесші Ерлан Қарин өзінің Telegram арнасында жариялады.

«Мемлекет басшысы Ұлттық құрылтайдың IV отырысында көтерген бастамаларды жүзеге асыру туралы жоспарға қол қойды. 53 тармақтан тұратын бұл құжатты Президент Әкімшілігі Үкіметпен бірлесіп әзірледі.

Жоспарда Президенттің гуманитарлық және әлеуметтік-экономикалық салалардағы тапсырмаларын орындауға қатысты нақты қадамдар көзделген», – делінген.

Жоспарға сәйкес Президенттің гуманитарлық бастамаларын жүзеге асыру үшін «Қазақстан балалары» бірыңғай бағдарламасын әзірлеу, Ішкі саясат тұжырымдамасын әзірлеу және бекіту, нашакорлыққа және есірткі бизнесіне қарсы күрестің 2026-2028 жылдарға арналған жана кешенді жоспарын қабылдау, Ұлттық цифрлық архив құру, бизнес өкілдерін тарта отырып аймақтарда театрларды салу және да-

мыту, сондай-ақ ұлттық театрларға қолдау көрсету, шетелдерде Абай институтын ашу тәрізді жобалар қарастырылған. Сонымен қатар Халықаралық биологиялық әралуандықты қорғау қорын құру да көзделіп отыр.

Ал әлеуметтік-экономикалық бағытта «Жайлы мектеп» ұлттық жобасын жүзеге асыруды жалғастыру, үш жылда 1 300 мектепті жаңғырту, ерекше қажеттілігі бар адамдарға арналған заманауи орталықтарын ашу, әрбір облыс орталығында ерекше қажеттілігі бар балаларды орталық және дамыту орталықтарын құру көзделген.

Сонымен қатар жоспарда өмірлерді дамытудың тың тәсілдері де ескерілді. Сондай-ақ 2025-2026 жылдары ірі инфрақұрылымдық жобаларды жүзеге асыру, соның ішінде Астанадан Арқалық, Торғай және Ырғыз арқылы

Транскаспий халықаралық көлік дәлізіне тура шығатын автокөлік жолын салу және жаңғырту, Арқалықтағы әуежайды қалпына келтіру және жана аэровокзал кешенін салу қарастырылып отыр. Әрі жыл сайын елімізде 200-ге жуық инвестициялық жобаны іске қосу да жоспарланды. Сонымен бірге Ұлттық құрылтайда көтерілген бірқатар бастаманы жүзеге асырудың құқықтық негіздері қалыптастырылып, арнайы заңдар қабылдау да ескерілген. Атап айтқанда, шекара маңындағы аудандарды дамыту, ғылым қалашықтарын құру, ерекше қажеттіліктері бар балаларды кешенді қолдау, үкіметтік емес ұйымдар және мемлекеттік әлеуметтік тапсырыс туралы жеке заңдар қабылданды.

Мемлекеттік кеңесші Президенттің Ұлттық құрылтайдың IV отырысында көтерген бастамаларын мен берген тапсырмалары мемлекеттік органдар үшін де, бүкіл қоғам үшін де еліміздің ұзақ мерзімге арналған даму бағдарын айқындайтынын атап өтті.

А.СҰЛТАН

Президент тапсырмасына сәйкес және Жұмысшы мамандықтары жылы аясында еліміздің орта білім беру ұйымдарында педагог-кәсіптік бағдар беруші лауазымы ресми түрде бекітілді. Енді Оқу-ағарту министрлігінің тапсырмасымен «Өрлеу» ұлттық орталығы биыл 805 ұстазды кәсіби бағдар беру курсынан өткізбек. Бұл бастамалардан не күтеміз?

КӘСІБИ БАҒДАР - НАРЫҚҚА БЕЙІМДЕУ КІЛТІ



Оқу-ағарту министрлігі бұл бастама оқушыларға мамандық тандауға ерте бағыт-бағдар беруге, сондай-ақ оқушылар, ата-аналар, педагогтер, колледждер мен жұмыс берушілер арасындағы өзара байланыс пен ынтымақтастықтың тиімділігін арттыруға бағытталғанын мәлімдеді.

(Жалғасы 5-бетте)

ЭНЕРГИЯ мен ЭКОЛОГИЯ: ҚҰСТАРДЫ ҚАЛАЙ САҚТАЙМЫЗ?

Қыран бүркіт және басқасы электр бағанасы мен сымға соғылып, тоққа түсіп қырылып жатыр. Бір ғана Зайсан ойпатында 800-дей құстың, соның ішінде құрып бара жатқан «қызылкітаптық» құстардың өлексесі табылды. Гидтердің бірінің айтуынша, құстардың тоқ соғып, жаппай сұлап түскеніне шетелдік саяхатшылар куә болған. Бұған тоқтау салу үшін елімізде құстан қорғағыш құрылғы орнатылмаған электр желілерін қолданысқа енгізбеу ұсынылды. Тиісті заң жобасы қабылданса, бұл жануарларды қорғаудағы маңызды бір жеңіс болар еді.

ҚЫРЫЛАРДАЙ ҚЫРАНҒА НЕ ЗАУАЛ КЕЛДІ?

Жануарларды, соның ішінде құстарды қорғап, аялап сақтау Қазақстанның әлемдегі беделін де арттырады. Ал әзірше Экология және табиғи ресурстар министрлігінің мәліметінше, Шығыс Қазақстандағы бір ғана Зайсан ойпатында 11 түрлі 791 жыртқыш құстың өлексесі табылды. Оның ішінде 43 бүркіт (*Aquila chrysaetos*), 11 дала бүркіті (*Aquila nipalensis*) болған.

Бұдан бөлек, экологтар 4 жыл бойы Батыс және Орталық Қазақстандағы, Еділ-Жайық өзендері аралығындағы, Мұғалжардағы, Арал маңындағы, Сарысу және Бетпақдала құмдарындағы жалпы ұзындығы 288,2 шақырымға созылып жатқан әуелік электр беру желілерінің (ӘЭБЖ) 13 учаскесін егжей-тегжейлі зерттеп шықты. Соның барысында электр тоғынан қырылған 223 ірі құстың өлексесін тапты. Басым көпшілігі, 49,8%-ы – дала бүркіті болған.



(Жалғасы 4-бетте)

3 СӘУІР 2025 | БЕЙСЕНБІ

ЭНЕРГИЯ мен ЭКОЛОГИЯ: ҚҰСТАРДЫ ҚАЛАЙ САҚТАЙМЫЗ?



Елар КАБА (COLLAGE)

(Басы 1-бетте) **А Айхан ШӘРІП**

Электр желілерінің қыран-құстардың жаппай уа салатын жерлерінен өтетін тұстарындағы қырылу ауқымы мамандардың төбе шашын тік тұрғызды: желілердің әрбір 10 шақырымында орта есеппен 108,4 сирек құс өлгені анықталды. Бұл — табылған мүрдлер ғана. Жыртқыштар сүйретіп алып кетіп, жеп қойғаны қаншама?! Мұндай қайғылы көрініс ұлы даланың барлық жерінде орныққан көрінеді. Орталық Қазақстандағы Қорғалжын мемлекеттік қорығында және оның айналасында мамандар әуелік электр беру желілерінің (ӘӘБЖ) құстарға әсерін анықтау бойынша зерттеулер жүргізді. Оның да қорытындысы жаңа шошырлық: 34 түрлі 409 құстың өлексесі анықталды. Қиналып өлген, тірідей жынып кеткен құстардың үлкен бөлігін, 44%-ын тағы да ірі жыртқыш құстар құрады. Соның ішінде қарақұстар, бүркіттер, дала бүркіттері де болған. Жайық-Ембі өзендері аралығынан өтетін ӘӘБЖ-нің 87 шақырымында бірден 7 дала бүркітінің (*Aquila nipalensis*), 1 жыланжегіш қыранның (*Circus gallicus*) өлгені анықталды. Бұдан бұрын Атырау облысының аумағындағы 410 шақырымдық ӘӘБЖ бойын тексерушілер 18 түрге жататын 136 құстың өлексесіне кезіккен. Оның арасында 63 дала бүркіті, 1 қарақұс, 1 бүркіт, 1 аққұйрық субүркіт болған. Жаға ұстайтын жағдай жиілемесе, тыйылар емес. Орталық Қазақстан аумағында әуелік электр беріліс желілерінің

әртүрлі құсқа әсерін зерттеу кезінде 68 учаскеде 35 түрге жататын 1 113 құс өлексесі тіркеуге алыныпты. Ол жерде кем дегенде 36 дала бүркіті, 4 қарақұс, 1 бүркіт, 2 жыланжегіш қыран ажал құшқан. Сондай-ақ тағы ертеректе мерт болған 273 ірі бүркіт-тің сүйек-қауырсындарының қалдықтары жатқан. Маңғыстау облысында жалпы ұзындығы 1 355,7 шақырымдық ӘӘБЖ-нің 18 учаскеінде 12 түрге жататын 129 құстың қалдықтары табылды. Онда бүркіттер барлық өлген құстың 62,79%-ына жетті.

— 2024 жылдың қазан айында Қазақстанның биоауантүрлілікті сақтау қауымдастығының мамандары электр беру желілеріне орнитологиялық тексеру жүргізді. БҚО-да электр желісінің 329 шақырымы қаралды. Соның 248 шақырымы қауіпті болып шықты. Ақтөбе облысында мамандар 425 шақырым желіні тексеріп, оның 218 шақырымы құстарға қатер төндіретіні туралы тоқтамға келді. Көп құс тоқ соғып өлген. Құс қалдықтарын жердегі жыртқыштардың жеп қоюы мен былтырғы су тасқыны табылған өлекселер санын күрт азайтты, есептің дәлдігіне әсер етті. Жежеленген учаскеде құстардың өлім-жітімі 10

шақырым желіге 44 құстан келді. — деді Экология министрлігінің өкілдері.

ҚҰС ЖОҒАЛСА НЕ ІСТЕЙМІЗ?

Қазақстан бертінде, 2020 жылғы 5 маусымнан бастап биоауланудылықты сақтауға арналған мерекені — Дүниежүзілік қоршаған ортаны қорғау күнін атап өте бастады. Осыған орай үндеу жасаған Қасым-Жомарт Тоқаев: «Қазақстанда жан-жануарлардың, құстардың, балықтар мен өсімдіктердің ондаған түрі жойылып кету қаупінің алдында тұр. Табиғатты қорғау — мемлекеттік маңызы зор іс!», — деп қадап айтты. Сондай-ақ Қазақстан Президенті «X» (Twitter) парақшасы арқылы әлемге қайырылып, планетаны қоршаған ортаның ластануынан құтқару үшін адамзаттың бірігуі керектігін мәлімдеді. «Өзіннен баста!» деген сөз бар, бұл істе Қазақстан әлемге үлгі болғаны жөн. Осы орайда Экология және табиғи ресурстар министрлігінің Орман шаруашылығы және жануарлар дүниесі комитеті «Кейбір заңнамалық актілерге аншылық саласы және жануарлар дүниесін сақтау мәселелері бойынша өзгерістер мен толықтырулар енгізу туралы» заңның жобасын әзірледі.

«Құстарды әуелік электр желілерінде электр тоғының соғуынан болатын қысқа тұйықталулар оларды істен шығарып, электрмен жабдықтаудағы үзілістерге соқтыруы мүмкін. Тіпті, электрмен жабдықтаудағы кішігірім үзілістердің өзі қыруар шығын әкеледі»

НЕСИЕ «ҚАРЫЗ ҚАМЫТЫ» МА, ҚАРЖЫ ҚҰРАЛЫ МА?

Бүгінде несие экономиканың негізгі қозғаушы күшіне айналды. Ұлттық статистика бюросының мәлімдеуінше, биыл 1 наурыздағы жағдай бойынша екінші деңгейлі банктердегі тұтынушылық несие портфелі 14,1 трлн теңгені құраған. Бұл былтырғы жылдың сәйкес кезеңімен салыстырғанда 31,7%-ға көп. Осы тұста сарапшылар қауымдастығының пікірі екіге жарылды. Бірі мұндай құбылысты шектен тыс қарызға бату деп бағаласа, енді бірі несиелік ресурстар арқылы қаржыландырудың өсуі нарықтық экономика үшін маңызды және қажетті деп санайды.

Кәмила ДҮЙСЕН

Тұтынушылық несиелер көлемінің өсуіне қарамастан, бұл үрдіс халықтың қарыз жүктемесіне теріс әсер етпейді. Ranking сараптама орталығының мамандары осындай қорытындымен бөлісті. Олар мұның себебін несие көлемі ұлғайғанымен, халықтың табыс деңгейі де артып келе жатқанымен түсіндіреді. «Соңымен қатар елдегі несие нарығы жетілдірілуде, барлық мүмкін тәуекелдер ескерілуде. Мысалы, Ұлттық статистика бюросының деректері бойынша 2024 жылдың 4-тоқсанында қазақстандықтардың несие мен қарыз төлемдеріне жұмсаған шығындарының үлесі 6,2%-ды құрады. 2009 жылы бұл көрсеткіш 4,6% болған. Яғни, 15 жыл ішінде қарыз төлемдерінің үлесі небәрі 1,5 пайыздық пунктке ғана өскен. Бұл Қазақстандағы қарыз жүктемесі деңгейінің төмен екенін және динамиканың барынша қалыпты екенін көрсетеді», — дейді мамандар.

Мысалы, 2024 жылдың төртінші тоқсанында Қазақстанда орташа айлық атулы жалақы 435 мың теңгені құраған. Бұл алдыңғы жылмен салыстырғанда 10,5%-ға артық. Дегенмен бір жыл ішінде елдегі нақты жалақы небәрі 1,8%-ға өскенін көреміз. Ал көптеген экономист елдің әлеуметтік жағдайын бағалау үшін аса маңызды деп сана еңбеккерлердің медианылық

тенгенден жоғары сомаларға берілген, бірақ бұл сомадағы несиелерді қарыз алушылардың тек 46,7%-ы алған. Ал 2 миллион теңгеден асатын несиелер жалпы қарыздың 84%-ын құрайды, бірақ оларды тек 30% қарыз алушы ғана алады. 5 миллион теңгеден жоғары несиелерді 15% қарыз алушы рәсімдеген, бірақ бұл несиелердің жалпы сомасы барлық қарыздың 66%-ын құрайды. Бұл ірі несиелердің негізінен қаржылық тұрғыдан тұрақты, табысы жоғары адамдарға берілетінін көрсетеді. Мұндай қарыздарды барлық банк мақұлдамайды және олар кез келген адамға қолжетімді емес», — дейді Ranking сарапшылары.

Сондай-ақ ресми деректерге сүйенсек, елдегі орташа қарыз мөлшері 50 мыңнан 730 мың теңге аралығында сақталған. Мамандар бұл халықтың көп бөлігінің шағын сомадағы қарыздары бар екенін білдіреді деген пікірде.

«Яғни, мұндай несиелер көбіне бір-екі айлық жалақы көлемінде төленеді және депозиттердегі қаражатты сақтап қалу немесе уақытша қажеттіліктерді жабу үшін алынады. Демек, Қазақстанда халықтың басым бөлігі несиеге қатты тәуелді емес. Қазақстандағы қарыз алушылардың басым бөлігі шағын несиелерге ие. Негізгі қарыз сомасы тұрақты табысы жоғары қарыз алушыларға тиесілі, олар үшін несие — инвестиция мен жаңа мүмкіндіктердің құралы. Бұл қатарға ипотекалық несиелер де кіреді, өйткені олар жаламалы баспанаға төлем жасаумен салыстырғанда тиімдірек. Мұндай несиелер тұрғын үй мәселесін шешуге көмектесіп, халықтың өмір сүру деңгейіне және елдегі әлеуметтік тұрақтылыққа оң әсер етеді. Жалпы, Қазақстан халқының қарыз жүктемесі төмен, және ол елдің қаржылық тұрақтылығына қауіп төндірмейді», — деп түйіндейді мамандар.

Жалпы, несие нарығының динамикасы тұрақтылық пен сақтықтың белгісін көрсетеді. Бөлшек несиеде ақпан айында



Елар КАБА (COLLAGE)

өсу қарқыны біршама жеделдеткенімен, оның көлемі салыстырмалы түрде қалыпты деңгейде қалды. Қаржыгер Андрей Чеботаревтің пікірінше, бұл тұтынушылық белсенділіктің маркетингтік акциялармен ынталандырылғанына қарамастан, халықтың қарыздық жүктемесін арттыруға асықпайтын байқалды. «Ақпан айында бөлшек несие портфелі өсім қарқыны жеделдеті отырып, 1,6%-ға ұлғайды және 21,1 трлн теңгеге жетті. Маркетингтік акциялардың ықпалымен тұтынушылық белсенділік артқанмен, жалпы өсім салыстырмалы түрде қалыпты деңгейде сақталды. Әсіресе, тұтынушылық кредиттердің көнеу қарқыны 1,8%-ды құрап, нарықтың тұрақты, бірақ ұстамды динамикасын көрсетті. Сондай-ақ корпоративтік сектордың несие портфелі айтарлықтай өзгеріссіз

қалып, небәрі 0,1%-ға ғана өскен. Бұл негізінен шетел валютасындағы несиелеу көлемінің 3,7%-ға (151 млрд теңгеге) қысқаруымен байланысты. Дегенмен теңгелік несиелердің 173,2 млрд теңгеге ұлғаюы оң динамиканы сақтап, 1,6%-дық өсім көрсетті», — дейді қаржыгер.

Маман мұндай үрдісті тұтынушылардың несиеге деген қызығушылығының төмендеуі, нарықтың біртіндеп қанығуы және қаржы реттеушісінің тұтынушылық несиелеудің шамадан тыс өсуін тежеуге бағытталған шараларының нәтижесі деп түсіндіреді. Аталмыш жағдай несие нарығының кезектен-кезімен тұрақтанып келе жатқанына дәлел. Демек, алдағы айларда бұл тенденция сақталса, экономиканың несиеге тәуелділігі біртіндеп теңгерімді деңгейге ауысуы мүмкін.

